

Media Title : Harian Metro
Headline : Rugi RM350k diperdaya pelaburan tak wujud
Date : 12 June 2024
Section : Lokal
Page : 3



Rugi RM350k diperdaya pelaburan tak wujud

Kluang: Seorang penjawat awam kerugian lebih RM350,000 selepas terpedaya dengan tawaran pelaburan tidak wujud di aplikasi Facebook.

Ketua Polis Daerah Kluang Asisten Komisyoner Bahrin Mohd Noh berkata, mangsa melayari satu pautan di Facebook pada 25 April lalu sebelum disambungkan ke aplikasi WhatsApp.

Menurutnya, mangsa berusia 37 tahun itu tertarik dengan pelaburan yang berasaskan saham syarikat dari China.

“Mangsa berhubung dengan suspek dan menyatakan minat untuk menyertai pelaburan dan dimasukkan ke dalam kumpulan WhatsApp lalu di-

berikan penerangan.

“Bermula 25 April 2024 hingga 30 Mei lalu, mangsa membuat 53 kali transaksi pemindahan wang kepada empat akaun bank di mana jumlah keseluruhan sebanyak RM358,120.

“Disebabkan menerima keuntungan, mangsa terus membuat pindahan wang sehinggalah berasa ditipu selepas tidak menerima apa-apa keuntungan lagi,” katanya.

Menurutnya, mangsa juga membuat carian melalui laman sesawang dan menyedari pelaburan terbabit tidak wujud.

Katanya, mangsa membuat laporan polis dan siasatan dibuat mengikut Seksyen 420 Kanun Keseksaan.